

D'Chlämmerli-Segg 2017

Wäge derä Handschlagaffäre sin mir wältbekannt,
sowit simmer scho, i finds e Schand.
I würds begriffe, wenn's passiert wär in Dütschland.
Dört git d'Frau Merkel meischtens nur sich sälber d'Hand.
Und hätte mir mol d'Chance, würde mir die Affäre no steigerä,
denn bim Jogi Löw würde mir dr Handschlag ganz sicher verweigerä.

Dr Jogi Löw cha scho guet mit Eier jonglierä.
Aber dr Luki vom Grossmatthof cha no viel besser mit Eier handierä.

Es sin e Huffe scho im Flug richtig Amerika gsässe
und hän dä Traum nach e paar Tag scho chönne vergässe.
Die Einte vergässe dr Text vo dr wichtigschte Strophe.
Oder dr Regisseur isch nid z'friede nachem mitenander Schloofe.
Es het's doch eine gschaftt, wo's wirklich niemer het dänggt.
Wills am Angelo zum Putze vom Trump sim Vorplatz het glänggt.

Dr Angelo Borer isch für uns scho e richtige Champ.
Wenn är so witermacht, schafft är's vielleicht grad no ins Dschungelcamp.

Wäge denä Burkas gits no mängmol Diskussione.
Meischtens mit sehr viel Emotione.
Im Schwimmbad müen die Schleierüüle Burkinis trage.
Kei Schweinefleisch, kei Alkohol, mir zwei würde das nid vertrage.
Doch bi de meiste Fraue, es würd uns no passe.
Würd me si in e Burka stecke und grad no e Muulkorb verpasse.

Au am Weggli sini gsehn mir lieber im Burkini als im Mini.

Dr Möschtli isch mit erä Delegation dur Därwil spaziert.
Är het jedi Baustell kennt und het so richtig plagiert.
Doch au im Räschte vo dr Schwiiz düen si ganz e huffe baue.
Me duet sogar e riesigs Loch dur e Bärge durehaue.
Doch das grossi, schwarzi Loch do, i chas nid fasse.
Isch nid d'Gotthardröhre, nei es isch im Hürzi sini Kasse.

Im Facebook gsehsch dr Hürzi über Därwiler schimpfend, halb nackt umme
tanze.
Das wo ner seit isch scho schlimm, aber no viel schlimmer, du gsehsch si blutte
Ranze.


Und Hürzi, die Moral von der Geschichte:
In die Quelle aus der man trinkt, spuckt man nicht!

I ha e Albtraum gha, s'isch nonig lang här,
dass dr Trump Donald z'Därwil Gmeinspräsi wär.
Dr Trump als Gmeinspräsi, es tuet mir graue.
Aber wenigstens chönnt är do sini Muure richtig Ettigä baue.
Aber für e lireisestopp vo Ettiger Immigrante wärs scho z'spot.
Will dr Tschappa-Brun-Roland scho uf dr Bühni vom Männerchor stoht.

Ghörsch dr Hoffmaa Heinz bi sinerä Claudia murrä:
„Jetzt hän mir im Männerchor ein mit erä no grösserä Schnurrä!“

Woni letschi richtig Rynach bi im Wald go spazierä.
Sie, i ha nid gwüsst, dass so öbbis no dörf passierä.
Do hängt doch no - und das isch wahr.
E Wahlplakat vor dr Liliane Gitz vom letschte Joohr.
Weisch, grad wenn in Wald chunnsch, umme Eggä.
Und i ha gemeint, me sött s'Wild doch nid so verschreggä.

Es seit dr Oberjäger Schänggeli zu sim Kolleg am Mäggi:
„Zum Glück isch das nid no e Plakat vo dr Ursula Jäggi!“



Mol ufe, mol abe, mol linggs, mol rächts,
mol füre, mol hinderä, mol linggs, mol rächts.
Mol ufe, mol abe, mol linggs, mol rächts,
mol füre, mol hinderä, mol linggs, mol rächts.

Es spielt e Rolle wo das Eggli isch.
Das Plaquetli isch am Weggli si Fisch.
Das Plaquetli vom Weggli het s'Eggli nid richtig.
Hey Weggli, das Eggli wär für uns alli wichtig!

Jetzt sin mir wieder z'Därwil und wirklich froh.
Und scho hämmer wieder öbbis spannends vernoh.
Si sueche no 1 Ehredame für das grossi Fescht.
I hoff die luegt denn au guet zu unserne starke Gescht.
D'Hess Sandra het scho e Mitteli für alli Schwinger.
Es goht denn nid besser, höchstens chli ringer.
Au s'Brülle-Ruthli loht die starke Männer nid chalt.
Si seit: "I bi 60ig, aber noni z'alt."
D'Brodbeck Inès findet die Männer ganz famos.
Si mäldet sich, denn mit derä Schnurre isch au sie gnue gross.
Au d'Imbode Marisa isch do drbi.
Will e Alass ohni si, das cha nid si.
S'Gschwind Hanny isch scho ganz verrugt.
Und het dä Alass no in volle Terminkaländer inedruggt.
Au s'Dorf-Drogerie-Dorothe.
Het für jedä Schwinger dr richtig Tee.
Au d'Binggeli Sandra, das geile Ding.
Mäldet sich und küsst jedä Schwinger usem Ring.
Und s'Buebedorf Ruthli goht do mol steil.
Will si findet die Schwinger eifach geil.
Au d'Natascha wär zum vernascha.
Doch si het s'Russedoping in dr Flascha.
Au d'Meder Sybille mäldet sich, doch s'isch gemein.
In däm scharfe Burkini bhaltet si dr Weggli Deheim.
Au am Fotzel-Dorli isch die Wahl nid schnurz.
Denn si het Erfahrung mit so Männer, und em Furz.
Au s'Schöfli het sich gmolde, die heissi Gritte.
Doch die isch uf em Muni scho Hei uf Ettigä gritte.
Und usgwählt hämmer dr Beck Walti, s'isch ganz famos.
Är hoggt z'friede dört, mit em Schwingerkönig ufem Schoos.

Refrain:
Hösch, hösch, hesch Wösch?
Dasch diggi Wösch.
An unseri Chlämmerli chunnt nur suuberi Wösch!

bliibet suuber...

